

武宣縣志卷四 紀地

縣境名山

城廂區山

八仙山縣境河西潘爐之野其顛有八仙塘深淵莫測澄清無塵四面小山八環峙其側若八仙然故名雨不盈旱不涸水味如漿甘美可飲若用水喉引水下山大利農田

高立山一作獨秀山又名天柱屏在縣北郊平阡一峯獨秀為縣治主山上有土主廟催官樓

三台山縣南隔河尖峯連屬疊翠凌空列若三台為學宮前案舊志以三台疊翠為八景之一

魁山學宮前隔河與三台文筆並峙

文筆山縣南隔河銳峰上聳秀于諸山為學校前案

武宣縣志卷四

紀地

名山

梧州商業日報承印

仙人山縣西四十里唐賈山人鵬居此修煉仙去今有仙人石遺蹟石上有形如人

狀

附攷

仙人山江嶺表記象州武宣縣仙人山舊有仙人聚集羽駕時見如建州武夷山有仙人換骨函九域志又作仙人嶺見載輿地勝

掛榜山縣西隔河

金銀山縣西隔河五里

璞玉山縣南隔河二里古蹟灘右岸石崖上刻有永通峽三字大等二方尺

恩照山縣南隔河舊名相思山明萬歷中衷時敕改名山陰石壁上刻有保障二字各大二方尺

馬鞍山縣東一里一名雙獅山兩山相連如獅故名有巖深無底巖口懸壁石形如鍾扣之有聲因又名鍾巖

銅鼓山縣西十里

大祿山縣西北十五里有水東入大江

中和區山 附城廂

香山巖在北鄉下里馬村鍾乳所結多奇異不可名狀巖上聞水聲前進數里愈奇
學陶山在北鄉下里大林東北山水甚幽僻清道光末年覃許嘉隱居講學之所水
潭頗深可以釣沿岸種竹名曰學陶山自號為學陶山人今其子孫猶世業云

馬督寨山北鄉下里在大林之北高大陡峻上稍平半山有泉可供數百人汲飲清
咸豐間之亂鄉人多修之藉以保生命財產者數年

龍寶寨山北鄉下里在大林東北亦高大陡峻有泉大旱不竭與馬督寨對峙同時
修之

冠冕山北鄉下里在大林山口端正如冠冕故名

古晴山北鄉下里縣北三十里屯頭村後高聳異常每有雲鄉人以為晴雨之占

武宣縣志卷四

紀地

名山

二

梧州商業日報承印

窮巖北鄉下里在屯頭村左右巖分二層下層水流伏地中里許穿出古遠村上層
如樓可容百餘人旁通小巖可以救護清咸豐時屯頭屯浪雙桂三村人修之以
避亂

燕巖在北鄉下里黎江村左冬寒多燕子故名清咸豐間黎江花咲眉山三村人避
亂之所

二塘區山

虎頭山山下有神屈流泉在平田村背

朝陽巖在巖口村背

麒麟寨朝陽巖對面清咸豐世亂二塘等村人避亂居之最為鞏固咸豐丙辰城破
縣令謝高兩公並寓居焉

獅子山

黃茅區山

石羊山在西鄉上里縣西六十里簣村上大河岸峭壁上有石如羊俯臨大江上有草書六行相傳神仙騎羊入山化爲石舊志以石壁遺書爲八景之一

附攷

地輿紀勝載石羊山在武仙縣西五十里峭壁如粉屏俯臨大江中有石影宛如一羊頭角尾蹄目皆具之又石羊山有六行大字隱約如草書四傍皆無路可達莫能辨其真僞士人相傳爲仙人留題

八音山在西鄉上里縣西八十里下有深潭風雨驟至輒聞絲竹聲舊志以音山迭奏爲八景之一

思歛山西鄉上里八仙田在焉

打鐵巖西鄉上里在架田村東五里巖門石乳如魚然始進巖口有椽柱二排峙結成花草雲物儼如龍形入數十步有水坑清涼可飲登上數十步有階級石紋如雲金碧交映再登數十步石座如金鑾殿點綴若金砂殿之旁有石如風箱形故

俗名打鐵巖因此金殿左右有石子若荔枝果光色若金金殿上有如龍床回望在下巖口見一線天光可容數百人與仙田毘連

勒馬山寨四面石壁高百餘丈清咸豐間世亂郭司城郭鎮城梁兆渠偕上額花羅浪村黃茅墟等數百家疊石爲寨避亂於此王花村土匪吳亞九亞甲亞頂等勾水賊楊綱清三角眼攻寨司城等率壯子弟大敗之賊不敢再舉

古獨山寨高峻清咸豐間之亂鄉人疊石爲寨以避亂遺址猶存

三里區山

龍頭山在勒馬臺卽勒馬堡縣南四十里

勒馬山龍頭山前形如天馬故名

大藤山發脈由東鄉里村背而來延蔓五十餘里高六十餘丈明王守仁征平大藤峽民載其德因立廟此山麓以奉祀之

東鄉區山

雙髻山在東鄉之東接連象縣東溫山延蔓十里雙峯聳翠上出重霄萬木垂青洵稱雅境山半有巖形如犁頭覆蓋相傳宋進士謝洪祖墓塋後巖石復合故今呼犁頭巖人卽知爲謝家墳焉明黃德環採香遇神叟卽在此山距縣城七十里舊志以雙髻晴嵐爲八景之一

龍殿山在東鄉之東南接連雙髻層巒疊嶂曲徑崎嶇洪楊起事東南各村築室於山以避焉距城六十五里

白面山在東鄉正西數峯高聳雄鎮一方距縣城六十里

馬嶺山在東鄉之北方東西北三面壁立清咸豐初桂平胡亞金作亂劉孟三集鄉人築堡而居故壘依然距縣城七十里

金龍山在東鄉之東北接連象縣東溫山延蔓八里山勢雄偉上有古廟相傳自宋朝年湮代遠碑碣無存後人修葺悉仍舊址蒼松數株大都數百年物距縣城七十里

武宣縣志卷四

紀地

名山

四

梧州商業日報承印

觀音巖在東鄉西北巖洞清幽中成一龕左右石乳石如筍屏帳兩旁石磬擊之作金石聲龕中石乳結成人形前列香爐儼同世所塑觀音坐蓮狀道光間劉宗楷倡修鄉人崇祀之因以名焉距縣城七十里

觀觀不盡題
石掃雲烟

里人增生黃炳星題石詩云仙洞妙如仙人間別有天
花香薰寶座鳥語話崇巖山色呈圖畫泉色當管絃奇

讀書巖在波豆村南相傳前朝官居斯土者慕二謝芳名公餘必遊觀之村人厭其煩擾用石填塞北向巖口南向低小不甚光明遊者遂絕跡焉里人貢生鍾貽修教讀金孫廟距巖約三里遠課餘往尋古蹟籐蘿繞徑不勝人往風微之感因留題云二謝遺踪自古傳來遊怡值暮春天山前草長雲堆徑巖裏泉清石作田自昔道箴同唱和於今桑梓尙流連師生不勝興亡感回首名賢一黯然

桐嶺區山

仙巖山武賴下里旺田村背巖內有石如仙人形石液凝沍玉雪晶瑩有泉飛濺成珠舊志以仙巖留跡爲八景之一

白花山武賴下里人和村背山脉自貴縣北山蜿蜒而來延蔓八十里至灣龍村大江邊止高峻出羣山常有白雲繞其巔山巔之北有小洞門上鑿四字人所難辨又有二小孔風嘯風習習不斷水孔瀦水無泉不涸山巔之西有天然石橋長丈許橋傍產山茶味清香不遜於潯部西山茶

天馬山古尖村背形如天馬與白花山相連

螺山桐嶺背其形如螺故名

雙魚山古豪下里連安村下盡頭之石山東邊有雙魚形高掛石壁其大適均一上

一下望之儼然噫掛鶴名山臨海記蹟華陰懸榻列傳稱奇此山其猶是歟

廖六巖古豪下里上安村右穿通盤古村廖六曾棲身於此巖內宏敞石乳下垂玲瓏奇異中有小池可容數百人

獨山在連安村前山後之麓有石如倚山而坐

古樸山岩在古樸村背之嶺巔清咸豐年間村人營築以爲避亂之所遺址猶存通

挽區山

靈頭山武賴上里其山聳秀山中開一巖宏敞可容數百人內塑文昌帝君岳武穆陳文恭神像後立知縣劉汝棠神主因前清同治初年勦北敢村匪黃進四遇難里人憫慕奉祀之

獅子山在靈頭山西北五里山之陽有巖洞穿如門寬廠丈許巖畔有石坎深廣盈尺瀦蓄清泉四時不涸一避暑佳境也

亭山

兜山 右二山俱縣南八十里武上里尙黃村後

祿村區山

三潮山古豪上里有窟無水每日山內有聲則窟中水忽如泉湧出流數丈卽止少頃水仍入窟中如是者三故名三潮山卽物理學所謂間歇泉也

龍灣山古豪上里地有村後石壁上自成一人公三字每字濶丈許真奇觀也

盤古巖古豪上里盤古村後巖內有寺壇每年四月八日遇青蛇出其年豐登
頂帽山古豪上里叢林村形如帽爲古豪里發脈
尖嶺復旦村西平地高聳百餘丈尖秀如寶塔

鳳皇嶺復旦村西與來賓交界爲本區土山最高巍峨似鳳皇形
轎山方學村南平地特起頂圓似轎

鴻嶺地有村東爲土山最高峻登巔環望數百里遇旱備牲於其上祭天禱雨
創山山頭村南尖秀高聳

鳳皇山古杭村背土山其巔石結成天然一鳳皇形

仙人山古杭村東石山形如仙人山麓有巖高爽中有石井

銅鼓山祿村田洞中起一土山形如銅鼓

寨鴻山乾樵村背前代在山巔結寨避亂遺址猶存山麓有泉灌大榕村一帶及各
村田

武宣縣志卷四

紀地

名山

六

梧州商業日報承印

遙蘭山在遙蘭村平地特起高大出羣山登巔北望可見柳州山前人於上結寨避
亂

思畔山思畔村背土山中特起一大石山前人在山巔結寨避亂

雙榜山本區南平地排峙兩石山大小形如一石壁平有畫如懸榜兩山相距如天
門

獅子山方學村東南形如獅子

鷄母山方學村南特起土山其頂俱石石上天然結成一鷄母形

貓母方學村東南平地特起一山長百餘丈其形似貓

廟王區山

神童山又名三台山縣北九十里山峯疊起如三台然宋粟大用祖墓在焉 此北

鄉之三台與縣南隔河之三台異

重筆山俗名雙童講書在神童山左邊下

天蓋山高峻形如傘縣西北方八十里半歸象縣半歸縣境連西上里白崖山
鵝頸嶺最爲險隘路通象縣屬大樟黃田及猪山等處有變應派兵扼守

金鷄區山

金鷄山有大巖中有水可容千餘人石壁上書有二仙巖字極古又有通殿巖內立
覃氏祖廟因勦平遷來象三縣匪有功

風火山延蔓至金鷄山十五里

天界山金鷄東二十里與廟王區毘連延蔓至登山

燈籠山廷乃村背山下有清泉湧出

關卡營堡險要

城廂區

東關城東一里通東鄉

北關城北一里通西鄉

武宣縣志卷四

紀地

名山

七

梧州商業日報承印

榜山坳縣西南隔河二里路入南鄉

護民堡卽相思堡縣城南隔河四里久裁

碑記嶺附近護民保縣城南隔河四里路入南鄉

附城廂中和區

九巖隘縣北五十里路通東鄉小林界

二塘區

巖口隘縣西三十里朝陽山路上官橋通廟王墟

黃茅區

大歇嶺峇路通廟王墟最險要

岑山嶺漕路通石龍墟最險要

牌樓隘縣北五十里對河交來賓界

石門坳在西鄉上里

華龍堡縣西四十里久裁

三里區

勒馬堡縣東南四十里方輿紀要云勒馬堡韓雍平大藤峽移周冲鎮巡檢於勒馬灘久裁

天排山隘為本區東南路世亂宜防守

落梅石賢隘為本區東北路世亂宜防守

東鄉區

雙髻卡在鷓鴣石處壤接桂平紫荆山徑曲如棧道一夫當關萬眾莫敵惟雙髻山後聳峙一登峯巔東望武林西觀柳象若兼守之憑高視下權操必勝矣

崇响卡舊志作松上卡在縣東八十里路通桂平之平隘山及羅涿洞此地設守可輔助雙髻卡互相策應

白沙卡路通羅涿洞地當扼要可以設守

楓樹凹地近象縣沙梨坪聞警時於附近之通天嶺鎮守有備自能無患

東鄉堡縣八十里久裁

桐嶺區

龍華隘縣南二十五里右路通桐嶺墟左路通古煉隘古武二里交界

花山隘縣南三十五里古武二里交界

風門隘縣南五十餘里武下里古樸村背路入貴縣龍山八冬里

山子坳縣南四十里武下里歐禪村左路入龍山貴武二邑交界處

古煉隘古下里由古煉村右入龍山路盤紆五十里出石梯山口右路通桂貴石龍

墟左路通桂平縣

東博隘古下里由東博村左入路通平陽義良等村

灣龍隘古下里由灣龍村山口入路經上馬來村分界嶺通桂貴石龍

通挽區

嶺塘坳武上里縣南九十里接貴縣山東石龍墟來賓界

大樟坳武上里縣南九十里路入龍山墟通貴縣

北蕩隘武上里路入貴縣上龍山

大團隘武上里路入貴縣上龍山

吹鴻嶺坳張寬銀村交界路通貴縣中龍山高田等村最險要匪徒常由此出沒

縣廓鎮大樟汎路縣南九十里防兵十名清末裁前有巡檢衙已變價發賣

石疊坳距安村里許由祿村通石龍路來貴武交界處

祿村區

三麓三浪山徑羊腸崎嶇難行距祿村十餘里由祿村過桐嶺之路

峽口隘兩旁峻嶺中通車路來貴武三縣交界地距祿村五六十里由區內南去山

東石龍之路常有匪截搶行旅戒心

寺村汎縣南六十里防兵八名久弛

武宣縣志卷四

紀地

名山

九

梧州商業日報承印

遙蘭寨縣西五十里防兵十六名久弛

思布營

淡村營 淡村今改復旦

何龍營

紙扎營

按右各營堡有明因猺獠扇亂原設堡目一名土兵三十名駐防俱久弛

廟王區

官橋堡縣北四十五里久裁

安永鎮縣北六十里久裁

金鷄區

金鷄隘縣西北九十里接象縣界

驛站

仙山驛在縣西門外明萬歷間裁汰

北去陸路由縣城十五里至平畚塘十五里至大橋塘十五里至巖崗塘十五里至官橋十五里至花山塘十五里至牛欄塘與柳州象縣交界 自官橋至黃峽二十里地僻山深時多搶劫

南去陸路由縣城十里至山峽十里至大歇嶺十里至龍華口十里至古煉村十五里至古尖村過去之鳳陽嶺脚入桂平縣界道路盤紆跋山涉水共五十里俱係村僻之路並無旱塘

東去陸路由縣城三十里至三里墟二十五里至東鄉墟七里至界脚三十里至花雷村十里至石狗村與桂平縣交界

南水路由縣城二十里至舊縣塘十五里至滑石塘二十里至勒馬塘十里至馬來塘十里至橫木塘十五里至浪灘塘十里至大片塘十里至紅石磯塘十里至中灣塘與桂平縣交界

北去水路由縣城十五里至黃花塘卽平畚水塘十五里至實村塘十五里至菱角塘十里至菱角子塘十里至岐崗塘十里至牌樓塘十里至思流塘十里至江口塘十里至良村塘十五里至金鷄塘與柳州象縣交界

縣廓鎮巡檢駐箭在縣南陸路九十里西南至貴縣五山汎陸路一百里西來賓界牌鎮陸路五十里北至象州龍門寨一百六十里